

OMUKWETU

Registered at the General Post Office as a Newspaper

AUALA TA ZALA UUNDOHOTOLA MU AMERIKA

Onkату entiyali nentitatu dhuundohotola, otadhi zalekwa omumbisofi gwOngerki onkwaevangeli paLuther yomwambokavango (ELOK) muAmerika petameko lyomwedhi tagu ya, Juni.

Omumbisofi Leonard Auala okwa ya kuAmerika a ka yamukule omaindile goeseminali mbali dhuuteologl ndhoka dha tekela oku mu simaneka omolwewithe lye lyevangeli tali pangula onkalo kehe yaa na uuyuki mokati kaantu ye, ihe ombili.

Konima yomimve neyali omumbisofi sho a pelwe lwotange onkату yuundohotola muSoomi, Oseminali ya Mhulenberg muPennsylvania, otayi ka gandja natange komumbisofi onkatustameko eti 2 Juni, manga Oseminali yuuteokogi waAkwaluther (Lutheran Theology Seminary) mu Ohio, tayi ke shi mu ningila wo eti 9 Juni 1974.

Omumbisofi okwa indilwa a talelepo wo oongundu dhi ili nochi ili moshilonge sha Amerika. Pahokololo lyomumbisofi mwene, omaitlengi gwOngerki hwiya ka amaita Abissi Shejawali nagumbo lya, ayo yamwe yaamboka tan talelepo kuye.

Omolwizima yimwe mpaka, omwili-kingeriki Auala, ngika eta ka nyengwa okugwanitha omaindilo agehe ngashi Ewilikongundu lyoshilonga shOngongahangano yaAkwaluther muAmerika; (USA National Committee of LWF) ndyoka lye mu indile a kale pamwe nalyo ando pemulilo lya Juli, ongundu ndjoka tayi futile olweendo lwomumbisofi pethimbo lyetalelopo ndika. Omumbisofi okwa tegelwa, ano a kale ishewe a thika pegumbo, ngele iinima eye ende ngashi ya fanekwa.



Omumbisofi L.Auala D.D; D.D; D.D.

OMUKWETU
Mai 1974

Endigolo omolwevangeli

Eshunduko lyepangelo lyaPortugal, sho lya luwa ekumbu kaakwiita yomoshilongo, osha ligolelwa kaawilikingerki yomoshilongo shoka. Onkundana yeligolo lyOngerki omolwiilonga ya fa mbika, oyi limbilika, omuntu a limbililwe oshikalimo shOngerki. Ihe okutala iinima nkene ya kala tayi ende mepangelo ndyoka, omuntu oto zimine, kutya ope na etompelo lyeligolo.

Aatumwa oyendji oya pitile momahepeko mepangelo ndyoka. Omumvo 1973 okwa hokololwa edhipago lyopaumbudhi lyaantu ye vule 130 muWiryamu, Mozambikwe, kaapolosi. Opelesenda 20 dhaasita, unene yOngerki yaKatolika kaRoma naatumwa odha tidhwa po miilonga, nenge inaadhi zimininwa we dhi galukile miilonga yOngerki, konima yefudho.

Ishewe muJanuali 74, okwa hokololwa aanashilonga yOngerki yaPresbiteri ya kala mondholongo oomwedhi 18. Mokati kawo omuwilikingerki Z.Manganhela, ngoka a sile mo eti lk.12.72 pamukalo gu limbilika. Mbika oyimweyimwa ya hokololwa.

Nkene ashihe tashi ka enda mepangelo epe, omuntu ku shi natango oku shi hokolola. Ihe pashono sha monika po nomeho sha holoka po, otashi ziminathana naashomo sha tegamenwa nale kOongerki dhomuumbugantu waAfrika, shi ningwe po tomapangelo gaamoka kutya:

a) Ngele yaali pokati kawo kaa uvitathane, eyamukulo itali kongwa metiko lyombinzi. Shika osho Ndjayi Antonio de Spinola a koneke nokwe shi hempulula, nand' oyendji kaya li ya hala oku mu pulakena.

b) Epangelo nali kale li na okana okulombwela aantu yalyo, ihe nali kale wo nomakutsi oku ya pulakena shoka taa indile. Shika osho tashi ningwa ngashingeyi kaawiliki yepangelo epe, sho tar-talelepo iitopolwa yaAfrika tayi pangelwa kuPortugal.

c) Mboka ya talwa shito ooterolesa, aadhipagi naatilithi, oya mangululwa moondholongo noya ziminwa kutya oyo sakondjelimanguluko.

Omufudho gwemanguluko ogwa za maakalimo oyendji yomiilongo ayihe ya kala koho yepangelo ndyoka ekulu lyaPutu. Uupe wonkalo yolela owa lolwa nowa ziminwa kaakwashigwana oyendji, kutya owo wa kala wa yuulukiwa omimvo odhindji.

Kutse aakali muNamibia, unene kuumbangalantu, elunduluko lyepangelo ndyoka olye tu guma omolwaAngola, mwiyaaka evangeli lya kala hali longwa noothina oodhigu. Ngele aauvithi yevangeli oya adha ompito yokuholola evangeli inaali andekwa, ngashi gumwe a ti, kutya mwiyaaka aasita oya tameke oku uvitha nemanguluko ye li hula omimvo odhindji, otashi ti ano shoka osho wo eyamukulo lyomagalikaneno goyendji mokati ketu omolwaapagani ya kala konima yOngamba ethimbo ele.

Oshikalimo shenyanyu lyOngerki melunduluko ndika, ano oli li mpoka ngashi Ongerki ye shi tegamene muLisbon ya ta, kutya "elunduluko o-lyokweeta po iilonga yuuyuuki nehanganano lyedhiminathanopo moshilongo."

Ongerki oye shi yelitha, kutya yo itayi itula kumwe nomadhiladhilo gelongitho lyekuni, ihe shono oshiwana sha zi mo, itayi shi idhimbike.

OKULONDA KWAJESUS KAKU SHI

ETUKAUKO NOVAHONGWA

Taleni, ongame otandi mu tum'ne shono shu uvanekwā kuTate, ihe one omu na okukala moshilando shika sigo tamu zalekwa oonkondo dhokombanda. Luk.24:49-53

Elondo laJesus otali twala diwa omadiladilo etu kehokololo lomahepeko, efiyo nenyumuko laye. Jesus ou e li nataango novahongwa vaye, tava lekelafana peshuno laye meulu, Oye shili omunyumunwa, osheshi okwa file. Oonakufya aveshe ova kanifa onhele yavo mokati kovanamwenyo, ndele Jesus oha tumbulwa mo natango.

Hashilonga ashike shenyumuko tashi holoka apa pefikamo laye a shune keulu, ndelenee omushiyakano yo, oko Jesus kwa li a lekwa, owa ninga ombinga imwe ya fimana meudifo levangeli. Evangelii olo oshihumbatelwa kovashitwa vaKalunga, shi fikifwe ko kuovo va tomhelwa koshili yoilonga yaKalunga oyo ya wanifilwa mOmona Kristus. Ongerki novaitaveli, keshe umwe polwaye, oku na oshitopolwa mokuhokolola eenghono edi.

Oshilonga sheenghono daKalunga movaitaveli osho oku va tumba mo molup'le lwokombada, mouwike wavo, di va twale va kuluk'le momafilu edu omo ovana vaKalunga va halakanena ko. Momilamba nomomapandainda oilando omo tamu hangika ovaheheli, ovadengwa naavo va liwa oipunga kuvakwao. Aveshe ve na okulombwelwa evangeli tali mangulula.

Melekelafano ovahongwa ova mona sha shipe, kutya efimbo lavo ola xulapo paife okutala Omuxupifi oshipala noshipala. Eshi yo inashi va nyikifa oufiye,

osheshi ova mona eitavelo lipe la kanghamekwa kwaasho kashi lwetike manga nomesho, kutya Jesus natango omokati kavu e li.

"Ondi li pamwe nanye omafiku aeshe," osho Ye mwene e va udanekela.

Meulu Jesus okwa ninga eteelelo lovahongwa nolovatembuki aveshe kombada yedu vomomapupi aeshe. Etembu letu mounyuni ou kali fi vali okuya kounyuni kau na efikilo, ndelenee ohatu i kwaau e tu lombwela: Ohandi ke mu longela onhele, inamu nyika oufiye.." Joh.14:1-2 Omolwoshili ei Omuyapostoli ta tumbula ngaha; kutya kee shi vali ngeenge oku na sha shi na eenghono dokukufa omunhu mohole yaKalunga yomuJesus Kristus. Rom.8:38-39 Efiyo ile omwenyo, kaku na.

Oshili ei oyo yo ya tumbulwa kovahongwa venya, onghee sha tumbulwa sha yela apa, kwa tiwa; ova shuna keumbo nehafo linene Ov. 52 Oshilongatumo osho va pewa oku ka hokolola oshili ei kounyuni nande sha endeleda, ova pewa natango okafimbo kokumwena, nove shi itavela.

Efimbo lokuteelela eufo laKalunga li wanifwe, kuvo kala li emoloso, ehepeko lefimbo, ngaashi luhapu hatu shi diladila. Ova lombwelwa lumwe aluke: Kaleni moshilando eshi, fiyo mwa djalekwa eenghono Ov.42 no... shi wanifa.

Ohatu nyengwa luhapu okuwanifa osho twe shi lombwelwa tu shi ninge, osheshi mondjungu yetu, inatu walulila mo efimbo laKalunga olo mulo e na okushakenifila mo omaudaneko aye. Ombibeli tai ti:

Okumeneka kweni noku ka nangala oufikufiku, okwongaho, Omwene ngeenge ita tungu. Ps. 127:2 Ongerki nongaashi yo omunhu keshe, onda pewa efimbo lixupi okuninga osho ndi na oku shi ninga, ndelenee Kalunga ota indile yo a pewe mo omhito yokuwanifila mo omaudaneko aye. Hano ofye shili ovalongi pamwe naKalunga 1 Kor. 3:9

(Sebulon Ekandjo)

E Y A K O L O L Y O N G E R K I K O M U N T - U

Ongerki ngele tayi yakula omuntu oyi li mondjila yu uka kuukwaniilwa wa-Kalunga (koshilongo shaKalunga.) Eyakulo olyo oshilonga shohole oshikulu shOngerki. Mongerki oshe ya mo omolwaamboka ye li momalwa, miihuna, ya pumbwa ekwatho, opo ya hupithilwe omalutu noomwenyo dhawo.

Ongerki otayi ulike ohole yayo kaantu ngaashi oothigwa, iilema, ochepele, aaselekadhi, aapombolume, omalayi, aaposi, aathitamakutsi naavu ayeheyehe mboka ya pumbwa ekwatho.

Pambo lyaClement lya nyolelwa Aakorinto omudiakoni oku na okuyakula aankundi, oondjendi, aaselekadhi nokukala he nenge yina yoothigwa okutalelapo aavu momagumbo gawo.

Natu dhiladhileni kutya otwa shitwa omolwashike? Molwashoka ayihe oya za kuye, onke moshinima kehe otu na oku mu pa omapandulo, Ye ngoka esimano e na oku li pewa.

Oshilonga sheyakulo osho oshongerki tashi fala Kristus kaantu. Otatu vulu wo okutya ngeyi; Pngerki oyi na okuya kaantu, itayi tegelele aantu ye ye kuyo. Ongörki oyi na okuhempulula niilonga nokuuvitha, kutya ohole oyo oshikalimo shayo.

Meyakulo lyOngerki, Omuwa Omunamwenyo ota longo mokati kaantu ye megongalo lye. Eyakulo olyo oshilonga shegongalo, hashomuntu gumwe. Ihe eyakulo olyo wo oshilonga shemanguluko, omuntu te shi longo medhina lyegongalo mehalo lya manguluka pwaa na ompango. Eyakulo olyo omumwayina gweuvitho, niinima mbika iyali otayi endele aluhe pamwe. Osho sha za nale, kutya ponto yeuvitho lyoohapu dhomwenyo, opwa kala iilongayakulo.

Oshilonga sheyakulo, shuudiakoni, oshitsa shawo shopokati osho ohole yaKalunga. Ndika olyo ehempululo lyawo. Eyakulo olyo ehungomwenyo, tali mangu-lula omwenyo. Ehngomwenyo lyaa na uu-

diakoni, eyakulo, kali sni ehungomwenyo. Eyakulo lyohole otali holola nawa, kutya Kalunga oku hole shili omuntu. Shika otashi vulu okutidha po uumbanda nomalimbililo momuyakulwa. Keyakulo ndika omuyakulwa oti ilongekidha okutamba ohapu yaKalunga. Omuyakuli mokuyakula kwe, ota uvitha ohapu yaKalunga, evangeli.

Miilongo mbyoka ye tu tetekelele moshilonga sheyakulo, aasita yomagongalo oyo ya kala iilyo naawiliki yiilonga yolukeno, opo ihe konima epangelo olya kutya po iilonga mbyoka. Aluhe Ongerki oyo tayi tetekele nepangelo ohali landula ko.

Oku na etumbulo lyOshilatina tali ti: "Imitatio Christi" Okuholela Kristus, okuninga ngaashi Kristus a ningi, okukala ngaashi ye a kala. Shika osho omukanka gweyakulo.

Jesus omutameki okwe tu pe oshiho-lelwa tu ninge ngaashi ye a ningi. Ngoka ta longo oshilonga sheyakulo, a kale nando oye lye, nena ota ningi naanaa ngaashi Kristus a ningile.

Iilonga yeyakulo oyo omagano omanene kOngerki, oshoka oyi na euvaneko Mat. 25:35-36. Omuntu kehe okwa egululilwa omagano ngaka a kale e ga na te ga longitha. A kale oye omusita gwegongalo nenge kee shi omusita. Omusitagongalo okwa pumbiwa i itule mo moshilonga shika opo a vule oku shi wilika megongalo.

Omagumbo ngoka ga pumbwa ekwatho, oge li metonatelo lyomusita. "Litha oonzi dhandje."

(Ipinge K.Shuuja)

-Elaka la dja kEhangano lEembibeli la Suid-Afrika, otali ti, kutya Ombibeli yOshikwanyama fiku tai ka holoka, otai ka kosha R 1,00. Aveshe otava indilwa va hangike va ongela oumaliwa, opo ve lilandele Ombibeli ipe oyo tai holoka ohanñ tai uya, Juni 74.

E K U M A G I D H O L Y A K O L A K A A S I T A

Y O N G E R K I Y O W A M B O K A V A N G O

Omusita nethimbo ndika

Pashipalanyolo shOmumvo shOngerki ya ELOK, "Litha oonzi dhandje," omumbisofi gwOngerki ndjika, dr. Leonard Auala, okwa ti, kutya omusita gwiimuna kee na sha nokuninga ko kethimbo ndyoka tali holoka po. Shoka te shi vulu osho ashike okweenda pamwe nethimbo ndyoka.

Omumbisofi ngoka kwa li e ende ookilometeli omathele ogendji okuza mefudho lye mūshimba, opo a kale pamwe naawita yomagongalo moshigongi shawo shokomumvo mo-ngwediva, okwa ti:

Taleni oshilonga shaasita yiimuna nkene sha tya. Pethimbo lyondjala oku shi nkene ta kala niimuna ye. Oku shi okukala naashono tashi ehama. Ethembo lyo-lyene otali ende ngashi lya hala, nokape na omusita ta vulu oku li keelela.

Okwa tsikile a ti, kutya omusita na kale e shi shi ano nkene ta kala nuukwatya woonzi pethimbo lyadho. Oshilonga shomusita gwoonzi dhaKalunga momathimbo agehe osho okuuvitha evangeli, okuguna nokukumagidha. 2 Tim. 4:1-2.

Omathambo inaga faathana. Pethimbo ndika oonzi odha yooloka wo. Dhimwe otadhi kala muunkundi, menota nomondjala. Ngashingeyi otaku popiwa wo unene uupolotika. Oonzi odhindji otadhi hingwa kombepo ndjika. Omusita na ende ano pamwe nadho.

Omuwilikingerki Auala okwa hulitha oshipopiwa she nomatumbulo ngaka: "Ngoka ta ti; "Litha oonzi dhandje, Oye ta ti wo," "Ondi li pamwe nane omasiku agehe..." Shika osho ehambelelo lyetu miilonga.

@@@@@@@@

EKOKO LONGERKI YA ELOK

Oilyo ya S.C.M. ya alukila keumbo

Ongerki ya ELOK, oya hapupala noilyo 11,055 omudo wa ya 1973. Omuvalu ou owa konda neepelesenda 0.17 omuvalu wehapupalo lomudo 1972 eshi wa li po ashike 9,906.

Ovanamibia vavali Rev. Apollos Kaulinge nomulihongi T.Namunyekwa ova alukila vali muNamibia konima yokukala oshivike shimwe moshongalele shovawiliki vehangano lovalihongi ovakriste (S.C.M.) muPretoria.

Eshi osha dja mehokololo letulokumwe lomivalu komuyakuli wovanashilongangerki, omufita Toivo Pentikainen.

Oilyo ikwao yoshongalele oya dile keembinga adishe da S.A., Botswana, Malawi, naLesotho.

Ehapupalo loilyo yOngerki ei, ohali etwa unene kovapaani vahapu have lishashifa, kounona wovakriste tau dalwa nakanini kwaavo tava di momaitavelo makwao.

Omafiku atatu twa kala ongoenda va fimana monhanda yovamati noukadona vOsikola yOshoondaxa muNoordport shomuJohannesburg, mewiliko la Rev. M. Ndlovu. Otwa li twa palulwa nawa, olutu neitavelo ola pamekwa.

Ehokololo otali ti, kutya omudo 1973 ovapaani 2,917 ovakulunhu nounona ova shashwa nova ninga oilyo yOngerki nounona 8,197 ova etelwe keshasho liyapuki kovakulunhu vavo.

Oshongalele osho sha li shi na okuningilwa muSwaziland nde tashi tindwa, osha ka ningilwa kuPretoria 8-14.1.1974 na dr. Hans Burks wa Switzerland, omuteologi a fimana oye a li omupopi omunene moshongalele.

Ongerki ya ELOK pavalulo leti 31.12.73 oi na oilyo 224,851, omaongalo 49, ovafita ve li moilonga 88 ovayevangeliste 131 novadiakoni 38.

Omuvalo wokutopolelafana oilikolomwa yome- enghundafana nokuhololelafana pokati kovanhuvomihoko da yooloka owa li wa pangela oshongalele shetu mafiku aeshe.

Eongalo la kuja li dule aeshe, Onayena mOndonga i na oilyo 11,929 nOkahao mOUNginginino 11,315.

Oilyo aishe yehangano, ookaume kehangano osho yo oilyo yEpangelongerki ya fimana, otava mu kundu unene. (T.Namunyekwa)

@@@@@

O V A N A M A U M B O M O M I K U N D A N A V A

D I M B U L U K I W E

Ope na oluhepo linene momaongalo mahapu meni lomikunda. Oluhepo eli otali monika meengudumbibeli dovanyasha ovatungamaumbo momaongalo, omo da tulwa ashike mumwe neengudumbibeli dovakulupe. Luhapu eengudumbibeli dovakulupe momikunda inadi pewa elandulafano. Ohaku diininwa ashike Okatekisa oshipango shotete, opuwo. Ye vati ou ite uya kotundimbibeli, koshililo ita i ko, ile okaana kaye itaka shashwa. Onghee omunyasha omuneumbo motundi omu oku li mo ashike paumbada, ndele ke na eshi ta likola mo.

Hano eetundimbibeli momikunda nadi yooloke, ovanyasha ovaneumbo nava kale notundimbibeli yavo notava longwa komunyasha omuneumbo mukwao. Osho yo eetundimbibeli dovakulupe nadi likalele. Luhapu ovanyasha ovaneumbo eshi va li ovamati noukadona, vahapu ova li lela omapenda, ndele eshi va ninga omaumbo, ova tulwa ashike meengudumbibeli dovakulupe, neelamba davo oda dima.

Tu dimbulukweni nawa moshinima eshi, kutya otwa kanifilamo eemwenyo dihapu dovanyasha ovanamaumbo. Eetundimbibeli dovanyasha ovaneumbo nadi pewe yo elandulafano loilongwa, unene ombibeli nai xwamekwe shili movanyasha nOkatikisha osho yo oumbo vamwe ovo tava dulu okuleshwa pamwe ombibeli ngaashi Oweenda womukriste, Elongo loukriste, Elongoxupifo nosho tuu oumbo vakwao. Nava pewe yo otundi yolwiimbo, oyo tai va ifana. Nena ngeenge tava monenwa eetundi davo vene ngaha, otava dulu okukundafana nava va manguluka nove udi-te oumbo.

Oshinima sha tya ngaha, osha fa ashike hashi diininwa peengulu, ndele momikunda omu na oluhepo linene. Vakwetu ombibeli nai xwamekwe movanyasha ovaneumbo meni lomikunda. Kashiimba ovafitaongalo novaevangeliste novadiakoni vahapu tamu yelula omesho eni moshinima eshi notamu otavele, kutya omeongalo letu momukunda wetu wonhumba. (Abraham Haileka)

Vahapu otava kongo Omwene

Oye ou te tu talaleke mopyakadi woin... nga ou tau tu diilile medu eli Omwene e li tula omutima: Osho sha tongwa komufita wovalumenhu aveshe hava longo mOushimba, omushamane Gerson Max pandjovo yomombibeli 1 Gen. 5:29

Omushamane Max mehokololo laye nhumbi oshilonga shopamhepo tashi monika mokati kovalumenhu ovaunguli ota pandula unene kehalo liwa li li muvo okukonga oshipala shOmwene mefimbo lavo lidjuu.

Eshi omufitaongalo okwe shi pameka netulokumwe lomivalu ngaashi a ti, kutya:

Ovalumenhu 11,922 ova kala momalonge-lokalunga, 10,944 ova monene omhito yokukala moyongalele yeendjovo daKalunga

Momudo wa dja ko ovalumenhu 367 ova mona efilonghenda leshasho no 860 va pamekwa, 285 ova pewa ombili yeongalo.

Ehalo lovalumenhu okuhala eendjovo da-

Kalunga ola holoka yo mokulilandela Omambo eendjovo daKalunga. Omambo 4,449 okwa landwa nomeengudumbibeli omwa ongalele ovalumenhu 458.

Tate Max ota kwafa ovayevangeliste moilonga yavo mokati kovalumenhu, ta xungu eemwenyo dovalumenhu mekondjo lavo leefina dihapu dopefimbo eli.

Panbedi ei oha endaenda needolopa neelalama osho yo meekomboni oku va konga.

XXXXXXXXXXXX

ONIIPA - Omwiilongi gwOngerki Elia Niinkoti okwa galukila kegumbo pamwe negumbo lye konima yomimvo 5 ya kala muSoomi. Oku li nawa nokwa etelela omakundo gookuume. Hwiya okwi imonena onkatu muuteologi. Tate Niinkoti ota ka tameka iilonga muJuli, patseyitho lyomuwilikingerki Dumeni.

=====
=====

ETALELOPO MOMIKUNDA DOMOUSHILO WOUKWANYAMA NOKUPOPIFA OVAKRISTE
OVO VE LI MEEFUKA NOMOIKANGO YA NDONGA NOUKWANYAMA

- 3.6.74 Otaku ningwa omaudifo pomutenya ELUNDU nokomatango OHAKAFIYA, Ohungi nomulele opOshidute.
- 4.6.74 Omaudifo pCnghwiyu nOpepela. Ohungi nomulele okOshifitu shaShipotele.
- 5.6.74 Omaudifo kEengodi daNatuwe nOpnongongo. Oxungi nomulele opOmutwe wOmhedi.
- 6.6.74 Omaudifo pOmushiyo, Onhumba ya undula oshipa nomulele okuKongo
- 7.6.74 Omaudifo kEkoka, Omupini, Onehanga. Oxungi mOlukula.
- 8.6.74 Olupale kOnhaululi, Oshishogolo, Ombudhiya nomEhafo mootatekulu Elia Weyulu.
- 9.6.74 Oshoondaxa okutulukumwa muKongo.
- 10.6.74 Omaudifo pOkalunga, Oshambada nOhawanga peekamba. Oxungi kOshipala shomwoongo. nomulele mOmundaungilo.
- 11.6.74 Oshiongalele shovakriste aveshe mOmundaungilo
- 12.6.74 Okashuna kEngela

Molweendo eli omupashukili ta findikilwa kuava: Tate nameme T. Pentikainen, omufita Andreas Mungungu, Endola, omufita Mikael Nengola, Onheleiwa, omweangeliste Johannes Ndemweda, Ondobe, omufita wopOmundaungilo nomweangeliste nomufita wopuKongo ovo ova-wiliki vondjila.

Hano ngaashi eenhele nomafiku a fanekwa, aveshe nava ongale hano peenhele da tumbulwa. Omiti nouhaku waava tava vele va yakulwe konima yomaudifo.

Tu ilikaneneni hano omatalelopo aa opo ovanhu vetu ve li komakule neengerki va popifwe. "Lifa eedi dange." Joh.

Filippus Shikomba
Omupashukilishitaingerki

OMULONGI XHALIKA
MOKAHAG

Ope na ompumbwe onene yomulongi a pumbiwa mOsikola yokombanda mOka-hao, Ongandjera.

Omulongi ta pumbiwa moSekondere Skool, ando okuza 30 Juli 1974.

Ngele owa hokwa oku uva oshindji, pula ano komukuluntu gwOsikola ndjoka, Privaatsak 2005, Ondangwa.

OMUKWETU

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa, Omukuluntu gwoshifo, omumbisofi dr.L. Auala, amushanga gwoshifo Rev.S.Ekandjo. Ondando yoshifo komumvo mu Suidwes nomuAfrika alihe R. 1,00 kombanda yomafuta R 2,00. Ondando nomambesitelu naga tuminwe kOmukwetu, Oniipa, P/B. 2013, Ondangwa. Omatseyitho agehe gomuntu mwene ge na sha niinima ye mwene, otaga tuminwa ofuta yago.

Owambokavango Church Press
Private Bag 2013, Ondangwa SWA